

چند علیہ

مکتبہ جدیدہ اسلامیہ ننگر حیدرہ رستمیہ سید

شوال سنہ ۱۳۳۹

باشقه باشقه بر مقدار اشيا هبه وتسليم ايتد كند نصكره بر قاچ آي مرورنده زيدك جالي
متغير ومرضى مشتد اولوب فوت اولسه سائر ورثهسى مجرد زيد خسته ايكن هبه ايلدي
ديو هبه يي طوتمامغه قادر اولورلرمي الجواب اولمازله .

* *

اداي دين

مديونا فوت اولان زيدك ديوننى ادا تركه سنى بين الورثه قسسمت اوزرينه مقدم
اولورلرمي الجواب اولور .

كتبه الفقير طر موسى زاده

محمد نوري مدني

عني عنهما

اجوبه شرعيه

صادق و عثمان نوري امضالى ۴ كانون اول ۳۳۶ تاريخنده بالورود ، عثمانلى قائمه سيله
اجنبى قائمه سنى بيع وشرا ايتك جائز اولوب اوليه جفته دائر واقع اولان استفتايه جوابدره :
§ مآله نظراً ربح مذکور حلال اولور .

* *

مخلصه امضالى ۶ كانون اول ۳۳۶ تاريخنده بالورود ، هند صغيره مراهقه نك باباسى
غير محمود الحلال ومعلول اولسه صغيره مزبوره خالهسى زينب وصى اولوب اوله ميه جفته
دائر واقع اولان استفتايه جوابدره :
§ مآله نظراً قاضى مناسب كورديكى امين بر كيمه يي صغيره مزبوره يي وصى نصب
ايدر .


* *

مصطفى خيرى امضالى ۱۴ كانون اول ۳۳۶ تاريخنده بالورود ، تحت وصايتده بولنان
زيد صغير غير رشيد اوله رقى بالغ اولسه اموال منقوله وغير منقوله سى وصيسى عمرو دن
استرداد ايدرك بيع وفراغه قادر اولوب اوله ميه جفته دائر واقع اولان استفتايه جوابدره :
§ مآله استفتايه نظراً بيع وفراغ مزبور لر صحيح اولمديغنى جهته وصى مزبور مشترى
مفروغ لهدن دعوايه قادر اولور .

* *

فقیریه امضای ۱۹ کانون اول ۳۳۹ تاریخنده بالورود، هند اوغلی زید صغیری بحق الحضانة امساك ایتمکده ایکن صغیر مزبورک لابوین عمهسی زینب صغیری هفتده یاخود آیه بر کره کورمک ایستدکده هند کوسترمامکده قادره اولوب اولهمیه جغه دائر واقع اولان استفتایه جوابدر :

§ مآله نظرآ هند بلا سبب زینبک حق شرعیسی اولان رؤیت وصله رحمدن منع ایدمز .



فتوا خانه عالی نك مقررات نقضیه سی

قره سی قاضیلغنك ۱۷ جمادی الاخر ۱۳۴۲ تاریخلی اعلامنك اسباب نقضیه سی

اعلام مذکورده طرفینك ادعا وافاده لری محتاج ایضاح وبو مرتبه ایله طلب بینده استقامت غیر ظاهری اولدیغندن شایان قبول اولمامغین بو صورتده خصوص مذکورکینه محکمه مذکورده اعاده محاکمه سی ضمننده محله اعاده سی اقتضا ایدر .

۲۱ صفر ۳۳۹

* *

طرسوس قاضیلغنك ۱۵ ذی الحجه ۳۴۸ تاریخلی جتنك اسباب نقضیه سی

حجت مذکورده تقدیر نفقه نك تراضیه ویا اصول محاکمه شرعیه قرار نامه سنك اوتوز برنجی ماده سنه توفیقاً اخباره مستند اولدیغنی کوسترلماش اولدیغندن شایان قبول اولمامغین بو صورتده خصوص مذکورکینه محکمه مذکورده اعاده محاکمه سی ضمننده محله اعاده سی اقتضا ایدر .

۲۶ صفر ۳۳۹

* *

قرق آغاچ قاضیلغنك ۲۷ شعبان ۳۴۸ تاریخلی اعلامنك اسباب نقضیه سی

اعلام مذکورده قولاً مراجعت معتبر اوله جغندن وحادثه مدعی علیها مزبورده نك ادعا وافاده سی نظر اعتباره آله رق بعد الاستیضاح ایجاب حالک ایفاسی مقتضی ایکن بروجه محرر توقیع قلنان حکم شایان قبول اولدیغندن بو صورتده خصوص مذکورکینه محکمه مذکورده اعاده محاکمه سی اقتضا ایدر .

۲۶ صفر ۳۳۹

* *